



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-236-3/25**

Datum: **22.07.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «RECIKLON» d.o.o. Zenica za donošenje rješenja o vodnoj dozvoli za ispuštanje tehnoloških otpadnih voda i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i aktivnosti u objektu za privremeno skladištenje i zbrinjavanje opasnog i neopasnog otpada u Poslovnoj zoni Zenica 1, grad Zenica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu «RECIKLON» d.o.o. Zenica daje se vodna dozvola za ispuštanje tehnoloških otpadnih voda i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i aktivnosti u objektu za privremeno skladištenje i zbrinjavanje opasnog i neopasnog otpada izgrađenog u Poslovnoj zoni Zenica 1 na zemljištu označenom kao k.č. broj: 290/29 K.O. Zenica I, grad Zenica.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog objekta i uz sljedeće uslove:
 - 2.1. Da se upotreba i korištenje predmetnog objekta za privremeno skladištenje i zbrinjavanje opasnog i neopasnog otpada u Poslovnoj zoni Zenica 1 vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se instalirana postrojenja za tretman medicinskog otpada (sterilizator medicinskog otpada i uređaj za pranje i sterilizaciju posuda koje su korištene za dopremu medicinskog otpada) redovno održavaju, servisiraju i koriste na način koji će obezbijediti potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.3. Da se, za vrijeme trajanja ove dozvole, obezbjeđuje da se otpadne vode nastale postupkom sterilizacije i pranja posuda nesmetano prikupljaju i preko okna za monitoring ispuštaju u postojeći kanalizacioni sistem.
 - 2.4. Da se poduzmu sve potrebne mjere kojima bi se obezbijedilo da otpadne vode, prije ispuštanja u recipijent, ostanu u maksimalno dopuštenim granicama definisanim u Prilogu 1. Tabela 1.1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.5. Da se obavezno praktikuje suho čišćenje radnih i manipulativnih površina prije pranja vodom, da bi se uklonile nečistoće, trošilo manje vode i smanjilo zagađenje voda.
 - 2.6. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom te konačna obrada i tretman u zatvorenom namjenskom prostoru, do konačnog zbrinjavanja od strane ovlaštene organizacije (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 2.7. Da se redovno vrši evidencija o količinama prikupljenog opasnog i neopasnog otpada i evidencija o zbrinjavanju.
 - 2.8. Da se sav otpad koji se privremeno skladišti u predmetnom objektu drži zatvoren u propisnoj ambalaži odgovarajućoj za pojedine vrste otpada.
 - 2.9. Da se osiguraju priručna sredstva za brzu intervenciju u slučaju nekontrolisanog rasipanja opasnog otpada kako bi se spriječilo moguće onečišćenje voda i tla.

- 2.10. Vlasnik odnosno korisnik predmetnog objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring prije ispusta u kanalizacioni kolektor, u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.11. Vlasnik odnosno korisnik predmetnog objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, «RECIKLON» d.o.o. Zenica, u Agenciju je dana 02.06.2025. godine podnesen zahtjev za izdavanje vodne dozvole za ispuštanje tehnoloških otpadnih voda i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i aktivnosti u objektu za privremeno skladištenje i zbrinjavanje opasnog i neopasnog otpada izgrađenog u Poslovnoj zoni Zenica 1 na zemljištu označenom kao k.č. broj: 290/29 K.O. Zenica I, grad Zenica.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 065-0-Reg-22-000590 izdatog dana 15.06.2022. godine od strane Općinskog suda u Zenici,

- Ovjerena kopija Uvjerenja o registraciji poreznog obveznika izdatog dana 19.04.2021. godine od strane Porezne uprave Federacije BiH - Kantonalni porezni ured Zenica,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-2072-2/21 izdatog dana 15.04.2021. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj saglasnosti broj: UP-I/25-2-40-167-2/20 izdatog dana 07.05.2020. godine od strane «Agencije za vodno područje rijeke Save» Sarajevo,
- Kopija Rješenja o okolinskoj dozvoli broj: UP-I 05/2-23-11-129/19 izdatog dana 30.12.2019. godine od strane Federalnog ministarstva okoliša i turizma,
- Kopija Rješenja o vodnoj dozvoli broj: UP-I/25-2-40-251-3/20 izdatog dana 07.08.2020. godine od strane «Agencije za vodno područje rijeke Save» Sarajevo,
- Kopija Saglasnosti na lokaciju broj: 09-215-129 izdate dana 02.10.1974. godine od strane Međupštinskog sekretarijata za unutrašnje poslove Zenica,
- Kopija Rješenja o odobrenju za upotrebu objekta Skladište i prerada maziva u Željezari broj: 12/7-360-176/77 izdatog 15.12.1977. godine od strane Opštinskog zavoda za izgradnju i uređenje Zenice,
- Kopija odgovora Federalnog ministarstva prostornog uređenja vezano za korištenje postojećeg objekta za skladište opasnih materija (broj: 03-19-2-311/20 od 21.02.2020. godine),
- Glavni projekat unutrašnjih i vanjskih hidroinstalacija za objekat privremeno skladište opasnog i neopasnog otpada investitora «RECIKLON» d.o.o. Sarajevo – Podružnica Zenica, lokalitet Poslovna Zona I, Zenica, urađen u martu 2020. godine od strane Rudarski institut d.d. Tuzla, te revidovan od «TZI- inženjering» d.o.o. Sarajevo, mart 2020. godine,
- Kopija dokumenta od 06.02.2025. godine o preuzimanju opasnog otpada u količini od 21,0 tona između C.I.A.K. d.o.o. Sarajevo – Podružnica Jajce i «GSB» BAYERN, Njemačka,
- Kopija dokumenta od 03.04.2024. godine o preuzimanju opasnog otpada u količini od 8,0 tona između C.I.A.K. d.o.o. Sarajevo – Podružnica Jajce i «WIEN ENERGIE» Austrija,
- Kopija Ugovora broj: 02-03/24 o poslovno-tehničkoj saradnji (preuzimanje opasnog otpada na konačno zbrinjavanje, iznajmljivanje opreme, transport opasnog otpada, zbrinjavanje opasnog otpada....) zaključen dana 18.03.2024. godine između «RECIKLON» d.o.o. Zenica i C.I.A.K. d.o.o. Sarajevo,
- Kopije transportne dokumentacije za preuzimanje medicinskih hemikalija broj: 41/25 od 20.02.2025. godine; preuzimanje lijekova broj: 70/25 od 25.03.2025. godine, broj: 80/25 od 11.04.2025. godine; preuzimanje boja broj: 91/24 od 13.05.2024. godine, broj: 90/24 od 10.05.2024. godine, broj: 45/25 od 25.02.2025. godine,
- Kopije Ugovora o pružanju i korištenju usluga prikupljanja, odvoza i deponovanja otpada sličnom kućnom otpadu broj: 06/04/21 i inertiziranog medicinskog otpada broj: 05/04/21 zaključenih 19.03.2021. godine između «RECIKLON» d.o.o. Sarajevo i «ALBA» d.o.o. Zenica,
- Kopija Uputstva o postupku prijema i odlaganja inertiziranog medicinskog otpada na Regionalnoj deponiji Mošćanica Zenica dostavljenog dana 24.01.2011. godine uz dopis broj: 02-17/11 od strane direktora «Regionalne deponije Mošćanica» d.o.o. Zenica,
- Godišnji izvještaj o monitoringa kvaliteta i kvantiteta otpadnih voda objekta «RECIKLON» Zenica broj: GI-31/25 za 2024. godinu urađen u aprilu 2025. godine od strane «Inspekt - RGH» d.o.o. Sarajevo,
- Izvještaj o monitoringa kvaliteta i kvantiteta otpadnih voda objekta «RECIKLON» Zenica broj: 245/25 urađen u februaru 2025. godine od strane «Inspekt - RGH» d.o.o. Sarajevo,
- Atestna dokumentacija za Uređaj za sterilizaciju infektivnog i potencijalno infektivnog otpada tip NEWSTER 15 serijski broj: 529 proizvođača NEWSTER SYSTEM S.r.l. ITALY sa priloženim Zapisnikom o puštanju u rad uređaja od 15.01.2021. godine,
- Plan upravljanja otpadom za aktivnost privremenog skladištenja opasnog i neopasnog otpada i obradu medicinskog otpada za «RECIKLON» d.o.o. Zenica urađen u decembru 2024. godine od strane «ENOVA» d.o.o. Sarajevo,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta u Poslovnoj zoni Zenica 1 i tom prilikom je sačinjen Zapisnik o uviđaju broj: UP-1/21-3-40-236-2/25 od 17.07.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe privremenog skladištenja i preradu opasnog i neopasnog otpada i obradu medicinskog otpada izvršena je djelimična rekonstrukcija postojećeg objekta izgrađenog 1980. godine u Poslovnoj zoni Zenica 1 (krug bivše Željezare u Zenici). Snabdijevanje vodom za sanitarne potrebe riješeno je priključkom na gradski vodovodni sistem a sanitarno-fekalne otpadne vode nastale u sanitarnom čvoru za uposlenike odvođe se u postojeći kanalizacioni sistem.

U zatvorenom skladišnom prostoru vrši se privremeno skladištenje opasnog i neopasnog otpada, manipulacija, prepakivanje, obrada otpada i ostale aktivnosti do konačnog zbrinjavanja. Skladištenje otpada vrši se odvojeno za svaku vrstu otpada u odgovarajućem prostoru i označenoj adekvatnoj ambalaži.

Obrada medicinskog otpada se vrši postrojenjima smještenim u zasebnoj prostoriji:

- sterilizator infektivnog otpada «Newster 15» u kome se vrši usitnjavanje i sterilizacija medicinskog otpada (u zatvorenoj sterilizacijskoj komori otpad se usitnjava i zagrijava do 150°C; kapacitet uređaja je 35 kg u ciklusu koji traje 20-30 min ovisno o vlažnosti infektivnog otpada; nakon tretmana otpad je sterilan, suh, usitnjen i bezopasan za ljude i okoliš)
- sterilbox u kome se vrši pranje i sterilizaciju posuda za sakupljanje i transport medicinskog otpada

Prikupljene tehnološke otpadne vode nastale pranjem i sterilizacijom posuda (kontejneri i plastične posude) koji su korišteni u postupku skupljanja i transporta medicinskog otpada se preko okna za monitoring ispuštaju u gradsku kanalizacionu mrežu.

Prema posebnom Ugovoru, od strane firme C.I.A.K. d.o.o. Sarajevo vrši se preuzimanje, transport i zbrinjavanje opasnog otpada.

Na uvid predložen Izvještaj o ispitivanju kvaliteta otpadnih voda za 2024 godinu i Izvještaj za februar 2025. godine urađeni od strane «Inspekt RGH» d.o.o. Sarajevo. Prema podacima iz dostavljenih Izvještaja utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog pogona i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja predmetnog postrojenja u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Na osnovu provedenog postupka, konstatuje se da je podnosilac zahtjeva «RECIKLON» d.o.o. Zenica, ispunio minimum uslova za izdavanje vodne dozvole za ispuštanje tehnoloških otpadnih voda i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i aktivnosti u objektu za privremeno skladištenje i zbrinjavanje opasnog i neopasnog otpada izgrađenog u Poslovnoj zoni Zenica 1, grad Zenica, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Zg Po ovlaštenju
Rukovodilac sektora za izdavanje vodnih akata



Nihad Pezo
Nihad Pezo, dipl.inž.građ.

Dostaviti:

- «RECIKLON» d.o.o. Zenica
- Poslovna zona Zenica 1, 72000 Zenica
- AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava